



Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine (08-02-2-1826-1/2019 od 14.05.2019. godine), na preporuku Komisije za javne nabavke od 23.12.2019. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga posredovanja u prodaji avionskih karti dodjeljuje se ponuđaču Centrotrans-Eurolines d.d. Sarajevo, za ponuđenu ukupnu vrijednost ponude od 128,00 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku sa opcijom okvirnog sporazuma sa jednim dobavljačem.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke isti ih je dužan dostaviti na način i u roku navedenim u Tenderskoj dokumentaciji.

Obrazloženje

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-2-33-3-22/22 od 01.03.2022. godine. Primljene su četiri ponude sljedećih ponuđača: Ventura Travel Agency d.o.o. Travnik, Centrotrans-Eurolines d.d. Sarajevo, V.I.P. TRAVELS d.o.o. Sarajevo i Mrkulić-Company d.o.o. Sarajevo.

Komisija za nabavke imenovana Rješenjem, broj: 05-16-4-72-1/22 od 05.01.2022. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-847-19/22 od 15. 04. 2022. godine je u prilogu ove odluke) i utvrdila sljedeće:

U skladu sa tačkom 5.4.2. stav b) Tenderske dokumentacije za nabavku usluga posredovanja u prodaji avionskih karata, broj 05-16-4-847-2/22 od 24.02.2022. godine (u daljem tekstu: TD), ponuđač je bio dužan, u svrhu dokazivanja tehničke i profesionalne sposobnosti, dostaviti original ili kopiju potvrde/a ovjerene/ih od nadležnog organa (sud, notar ili općina) za jedan ili više uredno izvršenih ugovora koji su za predmet imali pružanje usluga posredovanja u prodaji avionskih karata u posljednje tri godine računajući od datuma objave obavještenja na portalu javnih nabavki (<https://www.ejn.gov.ba/>) ili od datuma registracije/početka poslovanja, ako je ponuđač registrovan/počeo sa radom prije manje od tri godine, čija vrijednost odnosno ukupna vrijednost, ako se radi o više ugovora, mora biti najmanje 40.000,00 KM bez uključenog PDV-a.

Ponuđač Ventura Travel Agency d.o.o. Travnik je u svojoj ponudi, broj 20220321-1-VTA od 21.03.2022. godine, dostavio ovjerene kopije sljedećih potvrda:

1) Potvrda o uspješnoj realizaciji ugovora, broj SU-08-508-16/20 od 13.12.2021. godine, izdata od Ustavnog suda Bosne i Hercegovine. U istoj je navedeno da ukupna **planirana** vrijednost Okvirnog sporazuma za nabavku usluga izdavanja avionskih karata iznosi 40.000,00 KM bez uračunatog PDV-a. Navedena Potvrda ne sadrži vrijednost izvršenog ugovora koji je zaključen na osnovu pomenutog Okvirnog sporazuma. Pregledom javno dostupnih informacija na portalu javnih nabavki (<https://www.ejn.gov.ba/>) utvrđeno je da ukupna vrijednost zaključenih ugovora na osnovu Okvirnog sporazuma koji je Ustavni sud Bosne i Hercegovine zaključio sa ponuđačem Ventura travel Agency d.o.o. Travnik 24.08.2020. godine, iznosi 2.458,00 KM bez uračunatog PDV-a.

2) Potvrda o uspješnoj realizaciji ugovora, broj 04-11-7071-1/21 od 14.12.2021. godine, izdata od strane Gradske uprave grada Sarajeva u kojoj je navedeno da ukupna izvršena vrijednost ugovora za nabavku usluga nabavke avionskih karata za potrebe službenih putovanja iznosi 25.000,00 KM bez uračunatog PDV-a.

Komisija za nabavke je utvrdila da ukupna vrijednost izvršenih ugovora navedena u prihvatljivoj potvrdi ponuđača Ventura Travel Agency d.o.o. Travnik nije u skladu sa zahtjevima iz tačke 5.4.2. stav b) TD.

U skladu sa navedenim, ponuda ponuđača Ventura Travel Agency d.o.o. Travnik je ocijenjena kao neprihvatljiva.

U skladu sa tačkom 7.7. TD, Ugovorni organ je obavezan ispraviti grešku u ponudi koja je isključivo računске prirode, ako se takva greška otkrije tokom ispitivanja ponuda. Jedinična cijena stavke se ne smatra računskom greškom, odnosno ne može se ispravljati.

Pregledom dostavljenih ponuda uočena je računска greška u ponudi ponuđača V.I.P. TRAVELS d.o.o. Sarajevo.

U skladu sa članom 68. stav (4) tačka g) Zakona o javnim nabavkama, Komisija za nabavke je dana 23.03.2022. godine uputila ponuđaču V.I.P. TRAVELS d.o.o. Sarajevo Zahtjev za prihvatanje ispravke računсke greške.

Ponuđač V.I.P. TRAVELS d.o.o. Sarajevo je u dopisu za prihvatanje računсke greške dostavio saglasnost na ispravku sljedećih stavki, kako slijedi:

- iznos PDV-a na ukupnu cijenu provizije sa uračunatim popustom bez PDV-a iznosi 217,94 KM, umjesto navedenih 218,00 KM,
- ukupna cijena ponude sa popustom i PDV-om iznosi 1.499,94 KM sa PDV-om, umjesto 1.500,00 KM,
- ukupan iznos ponude sa popustom i PDV-om slovima glasi: jednahiljadačetiristinedevete setdevet i 94/100 KM.

Komisija za nabavke je dana 23.03.2022. godine uputila ponuđaču V.I.P. TRAVELS d.o.o. Sarajevo i Zahtjev za pojašnjenje neprirodno niske ponuđene cijene, u skladu sa članom 17. stav (7) i (8) Uputstva za pripremu modela tenderske dokumentacije i ponuda ("Službeni glasnik BiH", br. 90/14, 20/15), jer je ponuda ponuđača V.I.P. TRAVELS d.o.o. Sarajevo više od 50% niža od prosječne cijene preostalih prihvatljivih ponuda. Članom 66. Zakona o javnim nabavkama („Službeni glasnik BiH“, broj 39/14) određeno je na šta se objašnjenja neprirodno niske cijene ponuđača mogu odnositi:

- a) ekonomičnost proizvodnog procesa, pruženih usluga ili građevinske metode;
- b) izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenje radova;
- c) originalnost robe, usluga ili radova koje je ponuđač ponudio;

- d) usklađenost s važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad;
- e) mogućnost da ponuđač prima državnu pomoć.

S obzirom na navedeno, ponuđač je u pojašnjenju dužan navesti detaljne informacije o relevantnim sastavnim elementima ponude, uključujući i elemente cijene, odnosno razloge ponuđene cijene koje se na primjeren način odnose na sadržaj propisanih okolnosti u skladu sa članom 66. stav (2) Zakona o javnim nabavkama.

Dana 28.03.2022. godine ponuđač V.I.P. TRAVELS d.o.o. Sarajevo je dostavio obrazloženje neprirodno niske ponuđene cijene. U svom obrazloženju, detaljno je razložio iznos dostavljene ponude na sljedeći način:

- Plaće i doprinosi uposlenih 899,96 KM (60%),
- Tekuće održavanje poslovnog prostora 374,99 KM (25%),
- Zakupnina poslovnog prostora 75,00 KM (5%),
- Dobit agencija 149,99 KM (10%).

Između ostalog, ponuđač V.I.P. TRAVELS d.o.o. Sarajevo u obrazloženju navodi da je formirao cijenu baziranu na cjelokupnim troškovima firme i prihodima koje Agencija ostvaruje iz oblasti turizma, uzimajući u obzir trenutnu situaciju na tržištu. Isti navodi da je od momenta proglašenja pandemije cijena putničkih usluga smanjena, te ističe kako je ponuđena cijena za ponuđača ekonomski opravdana. Uzimajući u obzir ostvareni promet i minimalne troškove nastale korištenjem Amadeus rezervacijskog sistema, ponuđač V.I.P. TRAVELS d.o.o. Sarajevo obrazlaže da bi njegovi finasijski bilansi ostali pozitivni tokom budućeg poslovanja. U prilog činjenici da ponuđena cijena neće uticati na pozitivne finansijske bilanse ponuđača, isti navodi da prihod ponuđača V.I.P. TRAVELS d.o.o. Sarajevo od avionskih karata iznosi od 25% do 30% ukupnog prihoda, dok sav ostali prihod dolazi od ostalih turističkih usluga, uključujući dugogodišnje ugovore sa stranim i domaćim firmama.

Ponuđač V.I.P. TRAVELS d.o.o. Sarajevo se posebno osvrnuo na činjenicu da ima zaključene stimulatívne ugovore sa aviokompanijama na godišnjem nivou. Stimulacija koja se isplaćuje na račun ponuđača V.I.P. TRAVELS d.o.o. Sarajevo povećava cjelokupni budžet firme i pogoduje mogućnošću ponude nižih cijena usluga posredovanja u prodaji avionskih karata.

Uzevši u obzir da predmetno obrazloženje ponuđača V.I.P. TRAVELS d.o.o. Sarajevo sadrži kalkulaciju cijene i okolnosti koje omogućavaju da ponuđena cijena bude ekonomski opravdana, isto je ocijenjeno kao prihvatljivo.

U predmetnom postupku predviđena je e-aukcija u skladu sa Pravilnikom o uslovima korištenja e-aukcije ("Sl. glasnik BiH", broj 66/16).

VSTV BiH je dana 30.03.2022. godine zakazao e-aukciju na dan 04.04.2022. godine, na koju su pozvani da učestvuju sljedeći kvalifikovani ponuđač sa ponuđenim cijenama:

- V.I.P. TRAVELS d.o.o. Sarajevo sa početnom cijenom ponude od 1.280,00 KM bez PDV-a,
- Mrkulić-Company d.o.o. Sarajevo sa početnom cijenom ponude od 4.274,00 KM bez PDV-a,
- Centrotrans-Eurolines d.d. Sarajevo sa početnom cijenom ponude od 5.000,00 KM bez PDV-a.

Nakon provedene e-aukcije, dostavljene su sljedeće finansijske ponude:

- V.I.P. TRAVELS d.o.o. Sarajevo sa konačnom cijenom ponude od 0,01 KM bez PDV-a,
- Mrkulić-Company d.o.o. Sarajevo sa konačnom cijenom ponude od 4.274,00 KM bez PDV-a,
- Centrotrans-Eurolines d.d. Sarajevo sa konačnom cijenom ponude od 128,00 KM bez PDV-a.

Postupajući u skladu sa članom članom 8. stav (3) Pravilnika o uslovima i načinu korištenja e-aukcije (Službeni glasnik BiH 66/16), ugovorni organ je izvršio srazmjerno umanjenje jediničnih cijena u Obrascu za cijenu ponude.

U skladu sa napomenama Obrasca za cijenu ponude TD, ponuđači ne mogu ponuditi pojedinačnu cijenu/visinu agencijske provizije od 0,00 KM, niti cijena od 0,00 KM može biti rezultat popusta od 100%. Ponuda koja bude iskazana na navedeni način smatrat će se neprihvatljivom i neće biti predmet dalje analize.

Obzirom da cijena agencijske provizije ponuđača V.I.P. TRAVELS d.o.o. Sarajevo nakon srazmjernog umanjenja jediničnih cijena iznosi 0,00 KM, ponuda istog je ocijenjena kao neprihvatljiva.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača.

Komisija predlaže direktoru Sekretarijata Visokog sudskog i tužilačkog vijeća Bosne i Hercegovine donošenje odluke o dodjeli ugovora ponuđaču **Centrotrans-Eurolines d.d. Sarajevo**, čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4- 847 - 20/22

Datum: 19.04.2022. godine

Dostavljeno:

- Ponuđačima,
- Odjelu za finansije i računovodstvo,
- a/a.

Direktor Sekretarijata
MP
Admir Suljagić

